

言除軍職犯罪有例見行外今後在京軍民
旗校將軍勇士力士舍餘廚匠人等及在逃
來寄住軍民人等有犯除教變詞訟盜官錢
糧三五成群搶奪人財物滿貫徒罪并再犯
例該問發枷號充軍及詐欺官私喫贖取財
鬪毆以金及毆人至篤疾者其情頗輕俱照
見行事例問擬外若犯竊盜掏摸盜官畜產
假將銅錢瓦石丟撒在地哄騙人財物搶奪
財物不係三五成群但犯徒罪以上者初犯
俱照常例發落再犯不分革前革後俱依律
問罪免其運磚運灰做工等項軍旗舍餘將
軍校尉勇士力士軍匠俱連當房家小發口
外衛分充軍民人富戶廚匠人等發口外為民

在外據所犯該前罪解京歸結者亦照常例
發落原衛缺伍隨即申報兵部抄丁補數不
必通候如此則法令適中人可遵守
把事通事犯罪許該管司府州縣提問重者革
職為民例

成化二年二月十四日刑部尚書陸 等

題為明法令以懲戒奸頑等事雲南清吏司案呈奉本
部送刑科抄出雲南臨安府知府周璵等奏鄭設伏
親

大明律內一疑在外五品以上官有犯奏聞請旨不許擅
問六品以下聽分巡御史按察司并分守取問明白
議擬奏問欽此斯蓋

祖宗成憲萬世守之而不可易者也照得本府所屬納樓

茶甸等九長官司人民俱係夷羅下曉漢語例選
在城人諳曉夷語者保為把通事以通傳言
語會辦糧差中間有吏典保充者有由農民保充
者後或納馬納粟冠帶身照舊辦事此等把通事
律不該戴比之職官全無品級不通冠帶民人如
冠帶旗軍舍餘而已豈欺各該把通事有等奸頑
之徒倚稱冠帶靡所不為有長官司錢糧侵欺入
已而不納者有撥置土官互相讐殺攪擾地方者
有起威詞訟挾制有司把持官府甚有脅哨妄罕
平人為盜擅殺死者如此之類不可悉舉及至事
發到官輒稱冠帶難以提問定見其刁潑而莫敢
誰何若不奏

請處置誠恐急患地方未敢如蒙乞

勅法司計議合無今後此等冠帶把通事有罪者許令所
在有司正官徑自提問所犯輕者依律問罪選俊
辦事所犯重者問罪畢日仍行合于上司革退另
選良民充當如此則法令昭明人知警懼官府不
被其挾制地方不被其攪擾錢糧不被其侵欺便
益具本該通政使司官奏奉

聖旨法司知道欽此欽遵抄出送司案呈到部叅照雲南
臨安府知府周瑛等奏稱本府所屬納樓茶甸等
官司人等係夷羅漢語不曉例選民人諳曉夷語
保為把通事官辦糧差中間有由史典民衆保充
者後或納馬納粟冠帶身照舊辦事有等奸頑
之徒倚稱冠帶靡所不為及至事發輒稱冠帶難
以提問要將前項冠帶把通事有犯事者許令所

在有司正官徑自提問所犯輕者依律問罪還後
辦事所犯重者問罪畢日革退另選良民充當正
看得前項把通事擾人為害多端合行拏問嚴無
指實姓名其言把通事之設俱是所屬吏民選充
後因納馬等項冠帶全無品級犯罪許令所在有
司正官徑自提問一節緣此冠帶之人難此律定
職若今奏

請提問不無煩瀆合無准所言今後各處長官司等衙門
但係吏典農民選充把通事後雖納米等項冠帶
犯罪宜徒該管司府州縣提問明白依律照例發
落如犯貪淫等項例該革役者革去為民另選良
民補充如此則奸頑知所警懼官府不致煩擾矣
緣係事例及奉

欽依法司知道事理未敢擅便具題次日奉
聖旨是欽此

土官六品以下徑自提問罪例

成化八年四月十一日都察院右副都御史李
等題為禁約事照得雲南貴州湖廣四川兩廣俱
係土官各處合無行令巡按御史并按察司官今
後土官有犯係歸附從軍徑進得受土官及納米等
等項文職并武職五品以上仍奏請提問其納米
等項除受文職六品以下官員有犯照例提問發
落奉

聖旨是欽此

土官犯贓罪係蠻夷種類世襲者初犯納米
還職再犯奏